

八瓊室金石補正

八瓊室金石補正卷九十一

男 繼輝校錄

太倉陸增祥撰

吳興劉承幹覆校

宋十

涪溪題刻二十七段

黃庭堅詩

高七尺廣五尺十一行行廿六至廿九字又另二行字徑二寸許正書 萃編載卷

九十六附 中興頌後

僧守能

缺僧字

扶藜

缺藜字

鬢成絲

鬢作髮

已作

缺已字

師內間

張后

色

缺內張二字後誤名

李父

父誤人

軍去

事

尤危

軍下四字缺

同來

野

僧

缺野字

春陵尼

缺陵字尼誤尤

上缺子諤秀才家通以私錢刻之中興頌碑之側同

來相視南陽何安中得之上缺祁陽令陸弁景莊

居溪伯新宣和□子十二月廿日書無諸釋可環

模刻以上全缺

山谷浯溪詩刻石後人目為小磨厓輿地碑目

崇甯三年黃太史魯直竄宜州泊於零陵時外祖曾

空青坐鉤黨先徙是郡約遊浯溪觀中興碑太史賦

詩書姓名於左外祖止之曰某方為流人豈可出郊

公又遠徙豈可不過為之防太史從之詩中云亦有

文士相追隨蓋為外祖設也揮塵錄

魯直題磨厓碑後詩云事有至難天幸耳上皇跼蹐  
還京師內閒張后色可否外閒李父頤指揮南內淒  
涼幾苟活高將軍去事尤危臣結春秋二三策臣甫  
杜鵑再拜詩安知忠臣痛至骨後世但賞瓊琚辭觀  
詩意皆是言明皇末年事余以唐史考之明皇幸蜀  
遷居興慶宮李輔國遷之西內居甘露殿繼流高力  
士於巫州詩云南內誤矣又以元結本傳及元次山  
集攷之但有時議三篇指陳時務而已初無一言及  
明皇肅宗父子閒不知魯直所謂臣結春秋二三策  
者更別出何書也魯直以此配臣甫杜鵑再拜詩子

美杜鵑詩正爲明皇遷居西內而作則次山春秋二三策亦當如杜鵑詩有爲而言若以時議三篇爲是則事無交涉乃誤用也或云魯直用孟子吾於武城取二三策之語然於元結果何預焉如顏魯公湖州放生池碑載其上肅宗表云一日三朝大明天子之孝問安視膳不改家人之禮東坡謂魯公知肅宗有媿於此乎孰謂公區區於放生哉此事若用之卻爲

親切

茗溪漁隱叢話

山谷中興頌碑後詩是論宗語俯仰感慨不忍再讀迫急詰屈亦令人易厭書法翩翩有致惜搨摹久遂

多失眞者余謂坡筆以老取妍谷筆以妍取老雖側  
臥小異其品格固已相當跋尾云惜不得秦少游妙  
墨鑱之厓石少游當亦善書爾時謫藤州故谷念之

邪

奔州山人稿

山谷題名並詩共十一行正書在浯溪磨厓之左其  
後有宣和間人題語三行似記模刻緣起也其首一  
行爲康熙間祁陽令王某磨去改刻已之重修刊歲  
月姓名以故字蹟已失山谷眞面且題名中惜字誤  
從手旁此妙墨之此筆畫有譌謬萬官下一字集本  
作已而石刻似也又事文類聚引此句作萬官奔竄

鳥擇栖其鳥字集本作鳥任淵注云鳥字或作鳥非  
春秋集本作春陵任淵注云春陵或作春秋非是可  
見當時傳本自有不同今集本乃任淵作注時更定  
也進士陶豫卽後刻所稱之陶介石見集中游愚溪  
詩序集中有云蔣彥回者亦山谷在永所交友未知  
卽此居士蔣大年否宣和跋所存二行上下亦多磨  
損不全攷淡山岩有元祐中楚人高公傑子發題名  
疑卽此子發秀才也讀山谷自題惜秦少游已下世  
不得此妙墨劖崖石之語知當時此詩未及刻石而  
墨蹟藏於子發秀才家至宣和時乃勒石耳子上一

字當是庚庚子乃宣和二年在崇甯三年後十六年  
少游卒於建中靖國元年乃崇甯三年之前四年也  
武虛谷謂偶強作數語集本少偶字今石刻偶下並  
無強字誤也

古泉山館  
金石文編

弇州跋末數語殊誤所見本或已損闕其謂少游  
時謫藤州則未之深考矣瞿氏跋謂萬官下一字  
集本作已而石刻似也今諦審之石刻此字中無  
一豎玩其筆勢本是已字特筆畫有誤耳而通志  
錄作也永志因之當更正焉其碑文所闕仍据志  
補注於旁今陸弁上有祁陽二字陽字下半明顯



無疑祁字亦有形模可辨則瞿氏所未審出者陸  
弁名亦不見於官志高公傑哲宗時爲湘陰令則  
此所謂子發秀才者當別是一人何安中中字漫  
漣審之殊不甚確寰宇訪碑錄載有宣和年南陽  
何安世浯溪題名一刻今未之見疑此刻何安下  
是世字并疑訪碑錄所謂何安世題名者卽此刻  
之後二行也首行之旁有題字一行約十七八字  
僅舟經過此摩挲六字可辨疑亦宋刻中興頌之  
右有陽訪二字可辨碑左上方康熙癸丑之後有  
谿上久之等五字筆意與宣和題字相近又其後

爲明人所刻矣伯新聞人福建續志引莆田志云  
伯新爲悟溪初祖鄒道元黃山谷與結物外交鄒  
題悟溪云悟溪老人伯新忘情人也而特愛子艸  
書取紙篋中一無所有乃拆寢被六幅書之黃題  
悟溪詩云同行野僧六七輩亦有文士相追隨伯  
新與焉

吳少逸題名

高一尺四寸廣一尺六寸四行行  
六字字徑一寸五分正書左行

閩中吳少逸赴永□任絜家遊此宣和壬寅十月二十  
五日書

右正書四行左行在摩厓壁間前人未見

古泉山館  
金石文編

案永下一字似糾字或卽巡檢巡警之別稱

金石審

案巴州南龕黃永之題名內有張元方署官云郡  
紂三臺縣潼川府修學記碑內書人文彪署銜云  
充府學糾察此云永糾殆卽郡糾也

張耒詩高四尺廣四尺四寸詩十一行行十三字字  
徑一寸五分許行書跋五行行廿二至廿四

字不一字徑  
寸許正書

玉環妖血無人掃漁陽馬廐長安草潼關戰骨高於山  
萬里君王蜀中老金戈鐵馬從西來郭公凜々英雄才  
舉旗爲風偃爲雨灑掃九廟無塵埃元功高名誰與紀  
風雅不繼騷人死水部胷中星斗文太師筆下龍蛇字

天遣二子傳將來高山十丈磨蒼崖誰持此碑入我室  
使我一見昏眸開百年廢興增嘆慨當時數子今安在  
君不見荒涼浯水棄不收時有游人打碑賣

正德丙寅十月甲子予奉使安南國道浯溪□□程

銀臺德和道州李式佐一元偕觀回念缺宋黃張二

時李□祁陽磨崖要予書既□看文乃山谷詞也

慨昔□□□此心遂□別加顯惟□□文潛歌程云

殆非湮張□□□仍□書□□江華□叅廷禧按部

適至更爲遠取刻手成□□□□□□□□□

□□師煜鐫

余頃歲往來湘中屢游浯溪徘徊磨崖碑下讀諸賢  
留題惟魯直文潛二詩傑句偉論殆爲絕唱後來難  
復措詞矣

詩並  
不錄

復齋漫錄云韓子蒼言張文潛集中

載中興頌詩疑秦少游作不惟浯溪有少游字刻兼  
詳味詩意亦似少游語也此詩少游號傑出第玉環  
妖血無人掃之句爲病蓋李遐周詩云若逢山下鬼  
環上繫羅衣貴妃之死高力士以羅巾縊焉非死兵  
刃也然余以杜詩有血污游魂歸不得之語亦指妃  
子張蓋本杜也苕溪漁隱曰余觀少游書當以刻石  
爲正不知子蒼亦何所據而言邪

漁隱  
叢話

案張耒字文潛弱冠第進士紹聖初厯官至直龍圖閣知潤州坐黨籍謫監黃州酒稅徽宗立起爲通判崇甯初復坐黨籍落職又貶房州別駕安置於黃五年得自便居陳州晚監南嶽廟主管崇福宮卒年六十一建炎初贈集英殿修撰浯溪詩當是文潛監南嶽廟時游題蓋在宣和時

湖南通志

右張耒詩明代模刻原石已亡矣近時沈栗仲又書刻之永志名勝載此詩塵埃作氛埃元功高名誤作元功高明廢興作興廢浯水作溪水皆當以石刻爲正又案王象之輿地碑記目永州碑記內

載秦少游中興頌碑并錄其詩即此詩之首四句也然則以此詩爲少游作者當有所据

黃仲堪題名

高一尺一寸五分廣二尺八寸九行行三四字不等正書

靖康元年十月廿九日雙井黃仲堪覺民自零陵行縣游此子鑑携家侍行

黃仲堪題名正書九行在浯溪磨厓下攷仲堪山谷弟也見山谷題跋禮思大禪師題名雙井乃山谷所居鄉名在洪州分甯縣其地產茶山谷題跋石門寺與韓城元聿同游題名自稱雙井黃某石門乃寺名宋榕浯溪新志采作浯溪厓旁之石門題名誤矣又

廿九日作二十九日黃作王民作氏皆非

古泉山館金石文編

案文云行縣游此則仲堪必官於湖南者而官志

不載其名知缺漏多矣縣志鑑誤作鑑餘同溪志

賈時舉等題名

高一尺三寸五分廣一尺一寸五行行五字字徑一寸五分行書

賈時舉李仲威王開叔同遊浯溪建炎已酉二月十七

日

右題名正書五行在磨厓壁間前人未見

古泉山館金石文編

案拓本乃三月係行書

金石審

右刻在李若虛詩後已酉爲建炎三年石刻二月

瞿氏不誤宗氏何以審爲二月



潘正夫題名

高三尺四寸廣二尺六寸七分  
行九字字徑二寸七八分正書

吳國長公主之荆湖駙馬都尉潘正夫侍

親同來渡

湘江宿浯溪寺觀唐中興碑親屬被

旨從行者舅趙

子珊子珮兄節夫弟堯夫男長卿粹卿端卿溫卿侍

吳國長公主題名七行正書在浯溪石門之後岵臺

西石上吳國長公主乃宋哲宗第三女也攷宋史本

傳始封康懿公主進嘉國慶國政和二年改韓國出

降潘正夫改淑慎帝姬靖康末以先朝女留於汴建

炎初復公主號改封吳國避地至婺州紹興四年入

是真子堯卿等五人各進官一等主奏言祖宗以來

附馬都尉石保吉等皆除使相今正夫歷事四朝在京會建議迎陛下至杭州又言禁衛未集預宜防變乞除開府上不許八年再入又爲正夫求恩數上曰官爵豈可私與人況今日多事未暇及此時趙鼎當國方論羣臣紹述之奸頗抑正夫鼎去位始得開府之命給事中劉一正言其非體恐援例者多乃詔哲宗惟正夫爲近親餘人毋得援例顯仁太后歸主同秦魯國大長公主迎於道十九年又入朝子長卿粹卿端卿皆自國練使升觀察使從所請也孝宗即位進封秦國大長公主隆興二年薨諡康懿主在日正

夫官至少傅封和國公溫卿甯國軍承宣使長卿甯  
江軍承宣使端卿昭信軍承宣使清卿容州觀察使  
墨卿才卿並帶團練使其盛如此正夫薨於紹興二  
十二年贈太傅此題名不書年月而稱吳國長公主  
則在建炎改封之後矣據前錢遜叔題澹巖時爲建  
炎四年仲冬其與正夫唱和又在春則正夫至永乃  
紹興初年事傳言紹興四年入是真子堯卿等五人  
各進官一等此題名有弟堯夫而子無堯卿名又止  
四人與傳不合攷史於傳後歷敘正夫子之官階亦  
不及堯卿豈正夫長子先正夫而沒者歟此題名已

無堯卿則又在紹興四年之後恐史文有錯誤也傳  
又云十九年子長卿粹卿端卿皆自團練使升觀察  
使而不及溫卿蓋溫卿其時猶年少也傳又有清卿  
墨卿才卿三人此題名所無蓋此三人皆正夫幼子  
或其時尚未生耳又攷朝野雜記所載與史傳略同  
惟署正夫官爲少保昭化軍節度使和國公秦國康  
懿大長公主亦云哲宗弟三女而石刻鋪敘云絳帖  
前後各十卷相傳駙馬潘正夫以閣帖增損翻刻潘  
尙哲宗弟四女秦國公主云云似誤也又案史宗室  
世系表子珊官武翼郎子珮官武節郎皆奉化郡公

令緝之子太祖次子燕王德昭之五世孫也與吳國

長公主爲昆弟行故稱舅也

古泉山館金石文編

案康懿公主傳入是真三字蓋亂離之後詐冒者衆

有稱公主者必命內人驗之後紹興中如榮德帝姬

柔福帝姬皆以詐誅則是真二字乃驗信之詞本傳

是真之前有觀上獻玉管玉山上溫詞卻之之語其

時殆猶未信歟

金石審

吳國長公主至湘史傳所不詳通志以正夫與錢

伯言唱和詩刻爲證系於紹興初年余嘗攷得潘

正夫烏石山題名其文云建炎中興天子受命吳

國長公主始至睢陽明年春淮甸蕩滌□向南避  
於錢塘車駕幸建康還復入覲繼適江表舍胡騎  
去至循□水走湘湖瀕南海而達閩川此正其入  
粵時道經浯溪所題也彼題名在紹興二年仲春  
以程計之此題名當在元年可無疑矣彼題名亦  
有長卿等四人與此正同並無堯卿或堯卿未隨  
侍行瞿氏疑其先沒並疑史紹興四年堯卿等五  
人之文恐有錯誤殆未必然

無相盒題字

萃編已載

河東

薛公度

缺東字

施于

浯溪寺

缺于字

以奉

缺以字

卷之二十一 金石文編

右刻在磨厓右無相盦三大字篆書河東云云一行  
題於右無相大土一行題於左正書縣字隸變作無  
庵乃盦之俗字此宋人之明於六書者可貴也  
新志脫于字以奉作供奉誤

古泉山館金石文編

東于二字據省府志補縣志云無相石在磨厓之

左柳公押之右篆書無相盦三字甚古勁

蔡說詩 高二尺五寸七分廣二尺八寸十二行行十字字徑一寸餘正書左行

岳陽蔡說備貢邑令見磨厓碑而思魯公之忠節當時

河北二十四郡獨公能以死 討 賊則刻石紀功之志

見於是時因乱道五十六字以敘其欽慕之意 生 非耀

□欲爭雄發見英華□自中□秉湘東千古筆已思河

北一時躬忠肝義膽平□□鐵畫銀鉤大紀功尊主

□□□子事晞顏志節亦顏同紹興壬子三月旦日題

右詩正書十二行左行在磨厓左浯溪新志見磨厓

碑之見作讀下文□見於是時改作千載如見又五

十六字作五言六韻末無題字皆誤古泉山館金石文編

壬子爲紹興二年石刻泐處據志載補入旦日省

府縣志均誤作望日縣志乱道作口賦餘同溪志

蔡說自題云備員邑令而官志不見

李若虛詩高一尺四寸七分廣四尺二寸十三行行四字至六字不等正書



元顏文字照悟溪神物于今常護持崖邊尙有堪磨處

留刻中興第二碑紹興五年五月二十四日廣平李若

虛過悟溪觀中興磨崖因成口絕

右李若虛詩正書十三行在磨崖石壁書法頗佳乃

學山谷者

古泉山館  
金石文編

紹興月三字石已殘損據志補入省府志神誤作

鬼後有李若虛篆章一方又此石有宋某題名八

行李詩即刻其上

游何題名

高一尺九寸三分廣一尺九寸五分  
分七行行十字字徑二寸許分書

滴川游何口卿以紹興乙丑再口悟溪令尹趙不麟瀛

卿率率邑官會于僧寺錦屏□□連□蒲版穆沂季淵  
亦相繼至薄晚浮湘而下舟中頽仰睇觀江流鏡清崖  
石壁立安得□□□

右游何題名八分書七行在磨厓壁間濟州當是淄  
州此因隸變字形相似而譌案太宗六世孫皆以不  
字排行爲名此不蹟名不見於宋史宗室世系表必  
表有脫誤古泉山銘  
金石文編

淄川志誤作濟州連字缺下誤作去安得下弟二  
字作此審之似是興興上似盡雖未敢遽定然決  
非此字無疑蒲至二字據志補入卿上是蕭字游

何有澹山巖題名自稱其字爲蕭卿也趙不蹟名  
志不載於職官又此刻下方有百尺□□欲昏等  
字餘不可辨約五六行行存三字字徑二寸五六  
分正書極爲端謹則別一刻也

太學上舍題名碑

高一尺廣三尺七寸前廿九行行  
十一字正書後十五行行十字篆

書

崇甯三年太學上舍題名序

若稽古

下空

神考以聰明淵懿之資慨然恢復成周之治以樂育人  
材爲先務故於熙甯紀元肇新三舍之法垂三十年于

茲矣於鑠

空下

皇帝聖學日躋獨冠百王之上拳拳業業唯繼述是念

即國之郊崇建辟廡又頒教法於天下郡縣所在學館

一新紛袍肄業雲集響應崇甯三年十一月四日

空下

躬幸太學取論取之士十有六人官之堂下諸生恩賜

有美焉禮行俄頃之間風動四海之外儒生之榮古未

有也臣等親逢

空下

聖旦得預茲選其爲幸會何可勝言輒鏤版刊石記其

姓名以德

空下

上之賜且爲子

孫

世世之光華豈不休哉

空下

鄭南

程振

趙滋

劉嗣明

吳揆

趙熙

崔琬

張綽

方開

李會

戴頤

葉祖義

江致平

林徽之

喬孝純

胡尙文

以上正書

神宗皇帝以經術造士始於熙甯之初當時欲遂放三

舍天下未暇也

下空

徽宗益新月書季考之法崇甯三年首命大學上舍生

賜第者十六人蓋經術之興至是□

下空

三朝矣而得人此其選也粵是政和翰林學士劉公實

在選中後五十

年

公之子襄通守此州願刻之石以紀

其盛於是乎書紹興廿年三月左太中大夫提舉江州

太平興國宮永州尸住臣汪藻書

以上篆書

浮溪翁題銜稱提舉太平興國宮者宋時謂之宮觀使也宮觀使置自真宗祥符中在京以宰相見任史相領之在外則少保已上始得使名史相已下提舉宮觀而已見李心傳朝野雜記提舉宮觀真宗時以兩省兩制丞郎官爲之天聖七年以後學士待制知制誥皆得爲提舉初設祠祿之官原以佚老優賢員數絕少王安石相欲以處異已者遂詔無限員又在外宮觀嶽祠初須力請而後授若因責降改作管勾

差焉亦安石相後異已者方直除大抵非自陳而朝廷特差者如降黜之例又熙甯二年詔宮觀五嶽廟並置管勾提舉提點官四年詔各留一官餘聽如分司致仕例從便居住其時宮觀止十餘江州太平興國宮其一也並見文獻通考時浮溪以顯謨閣學士出知徽州徙宣州爲言者所論奪職居永所謂學士得爲提舉也太平興國宮在江州不赴江州而永州居住者所謂黜降及聽如分司致仕例從便居住是也今縣志溪志載其文不明宋制改舉爲學宮爲公謬甚故爲正之

湖南通志 古泉  
山館金石文編

右太學上舍題名碑在涪溪鏡石下瞿木老輯通志時未見此刻宗滌樓輯永州府志亦未之見故所載多舛錯輯金石而不見拓本僅據宅書錄之譌誤且百出也又頒教浚于天下又誤作大紛袍肄業袍誤作他恩賜有差差誤作光親逢聖旦親誤作新崔珪珪誤作瑤張綽綽誤作緯江致平致誤作欽實在選中選誤作其通守此州此誤作永廿年誤作二十年又吳揆下脫趙熙一人并誤列方開於崔珪之上葉祖義於李會之上喬孝純於江致平之上備錄諸以堙續修者採焉又案永志



所載胡尚文下有一朱字似尚有一人姓名以文  
內十六人證之不應再有石本固無之也至絲袍  
句疑碑有訛字縣志所載與府志略同惟絲袍之  
袍不作他論竄之竄作定爲異耳宋史程振有傳  
字伯起樂平人少有軼才入太學徽宗幸學以諸  
生右職除爲辟雍學錄官終開封府尹即此碑所  
列之程振也史又有趙滋傳以父士隆戰歿錄三  
班奉職康定初除涇原儀渭鎮戎軍都巡檢則別  
是一人餘俱無傳劉襄見太平寺鐘銘亦紹興廿  
年所刻其題銜云右朝散郎權通判永州主管學

事此碑敘述不言權者略之但不知其本任何職耳通志職官失載其名又考史神宗紀熙寧四年二月更定科舉法專以經義論策試進士給諸州學田增置學官十月戊戌立太學三舍法初入外舍不限員次升內舍二百員又升上舍一百員員各治一經元豐二年八月甲寅增太學生置八十齋齋三十人外舍生二千八內舍生三百人月一私試歲一公試補內舍生間歲試補上舍生如定制哲宗紀元祐元年三月修國子學制六年十月庚午幸國子監賜祭酒豐稷三品服學官賜帛有

差紹聖四年正月班內外學制元符二年十一月

乙未選監司提舉諸州學事依太學三舍法考選

生徒升補徽宗紀崇甯元年作辟雍於城南諸生

自縣庠升之州學分三舍貢之辟雍自辟雍登太

學俟殿試命以官三年十一月甲戌幸太學并辟

雍賜司業吳綱蔣靜四品服學官推恩有差與碑

所敘述者悉合至其賜第十六人史例所不載顧

亦見於程振傳矣案紹聖元年郭知章言元豐以

來十餘年上舍生推恩惟林自一人

見玉海則此賜

第十六人者實爲異數而史不及之也碑又云徽

宗益新月書季考之法史亦未詳及

李元老題名後跋

廣四寸五分十行行十三字字徑三分許正書卒編已載失錄後跋

□□□□□赴清湘過□□□□□而言曰

昔□□□□□天□□□□□□□□

林□□□□□名□相□□在□往非□□

□□不在下空公平忍不爲漫郎一言□下空公笑曰有是

哉乃□□□□□明年春二月既望□□□□□

□□□□□之□□

右李元老題名正書六行在摩厓石壁浯溪新志者

明耆耆厚耆勲六字誤作耆厚勲三字壻鄭种脫壻字

种誤重

古泉山館金石文編

右李元老題名後題記十行行十一字字徑四分  
正書前人未見漫漶殊甚僅辨四十字又案通志  
職官孝宗朝李元老知邵州當即其人縣志所誤  
與溪志同永志中冬作仲冬

李逸題名

高一尺三寸二分廣一尺五寸六分  
七行行七字字徑一寸三四分正書

紹興辛巳盤谷李逸德舉貳郡鴈峯以中秋被檄如清  
湘事竟既還九月二日來遊溪上觀磨崖碑偉哉男絜  
侍行

李逸題名正書七行在磨崖石壁自稱盤谷李逸必

是唐李愿後裔其云貳郡鴈峯者蓋逸時通判衡州也清湘縣在今廣西之全州係馬氏置爲全州治明洪武中始省入全州宋時全州曾屬荆湖南路故李逸有被檄如清湘事浯溪新志脫如清湘事竟五字哉誤作蹟

古泉山館金石文編

辛巳爲紹興卅一年李逸判衡州職官志漏載縣志與溪志同誤

秋隱里叟詩

高二尺一寸六分廣一尺二寸五分三行行十字又標題一行四字字徑一寸

五分正書

讀中興碑

辭本春秋作聱翁策固長謾嗜襲貶迹孰繼老沙陽  
隆興改元秋隱里叟題

秋隱里叟讀浯溪中興頌詩正書隆興元年在祁陽

縣寰宇訪  
碑錄

通志永志皆未見拓本

劉芮題名

高一尺七寸五分廣一尺四寸七分六  
行行十字字徑一寸五分分書左行

河間劉芮日常平茶鹽職事行部祁陽令侍其光祖監  
南嶽廟趙公衡寓士吳大光送別浯溪讀中興頌閱古  
今題字煮泉酌茶而行隆興甲申六月戊寅題

劉芮等題名八分書六行左行在嵒臺西攷宋史宗

室世系表魏王廷美之六世孫皆以公字排行表列以公衡名者四人一爲秉義郎公衡承議郎綽之之子一爲從事郎公衡左中奉大夫縱之之子皆潁川郡王德彝之後一爲承節郎公衡忠翊郎緒之之子乃廣陵郡王德雍之後一爲忠訓郎公衡忠翊郎廙之之子乃申王德元之後宋制選人許乞嶽廟故朱文公嘗以左迪功郎監南嶽廟選人者進士也進士選官例得防團推官監判官元豐改官制以階易官崇甯後選階換從事郎其秉義承節忠訓等郎皆武階此公衡以選人監南嶽廟階應從事郎則必德彝



之後縱之之子矣 侍其光祖祁陽縣志誤作侍其

先

古泉山館  
金石文編

通志職官高宗朝載劉芮爲永州通判殊誤孝宗  
朝載侍其先爲祁陽令亦誤復載侍其光祖爲武  
陵令豈後經量移耶侍其光祖有浯溪石刻後集  
再集一卷漁洋山人浯溪攷引作綦光祖誤祁陽  
縣萬志呂誤作因而光祖字不誤瞿氏所見殆非

萬志

王彥清題名

高一尺二寸五分廣九寸五  
行行九字十字徑寸許正書

乾道辛卯中秋後十日王彥清同骨肉泛舟來錢第于

乘之官象臺裴回磨崖碑下終日而別姪檜男慶老侍  
行千乘書

右刻載涪溪新志云在鏡石下

湖南通志

右刻在太學上舍題名序後省府志載此肉作月  
裴回作徘徊崖作厓厓下誤多一峯字姪作侄志  
惟肉姪二字不誤餘與省府志同

李處端題名

高一尺二寸廣不計存三行  
行五字字徑一寸五分正書

李處端能伯以乾道壬辰

□□□□後

下缺

右李處端題名在摩厓壁間後半剝蝕并為後人磨

去改題僅存此二行十字矣正書

古泉山館金石文編

右刻在摩厓右第三行省府志均失載尙存一後  
字極爲明顯以意度之處端於乾道五年曾至浯  
溪後復經此乃有是刻然不可攷矣左有行書三  
行僅見家到此開月下澣七字每行上有缺字未  
拓當是開禧年所題附識於此

陳從古詩

高七尺廣四尺七寸八行行十四字  
字徑五寸許又上石年月一行正書

浯溪一股寒流碧聳起雙峯如削壁兩公文墨照溪津  
到今草木增顏色想當忠憤欲吐時盡把江山供筆力  
我來吊古不勝情豈但登臨愛泉石漁陽舊事忍再論  
僅賴令公安反側書生百感夜不眠起讀新詩轉悽惻

南徐陳從古希顏紹興辛巳秋過涪溪誦簡齋詩因用其韻

乾道□年□月初十日右從事郎知祁陽縣主管學事范□□上石

此行小字

右陳從古詩正書九行在嵒臺西北石壁筆法甚佳

古泉山館金石文編

范令名已泐職官志孝宗朝祁陽令無姓范者其名不可攷矣簡齋詩今未之見想已不存縣志載有陳與義詩號簡齋汝州人疑即其人惟此云因用其韻而彼係七律近體爲不合耳縣志載此詩

欲吐時作吐詞時又載其重過浯溪詩云碑在嵒  
臺西北今未之見省府志并未列其目宜補之詩  
云小憩唐亭上悠然倚一枝雲埋漫郎宅水落魯  
公碑興廢悲前古登臨記昔時重來頭已白忍看  
舊題詩

陳從古題名

高一尺二寸五分廣四寸  
四字字徑三寸許正書

陳從古來

右刻在嵒臺絕頂石上壬申九月楊海琴親自搜  
出

劉學雅題名

高廣不計四行行字不一  
字徑八分許正書左行

建安劉學雅以廣西帥按劾謂謗訕

政斥罵宰相

臺諫姓名特降一官停轉

運司

主管文字見任仍永不

與堂除

經語溪月題

劉學雅題名正書四行左行在余靖題名末行下空處其弟三行堂除下爲後人磨去改刻缺數字矣攷學雅係從事郎監潭州南嶽廟劉玘兄子樞密珙之長子珙玘二墓志俱朱子撰見大全集珙卒於淳熙五年時學雅官承務郎此云以廣西帥按劾特降一官停轉運司主管文字見任永不與堂除者宋制轉運司屬官有主管文字一員蓋學雅時爲廣西轉運

司屬官被劾削去不准復除他官也所謂堂除者猶  
今之吏部挑選耳題名末云經浯溪再題則必先已  
有題刻矣今未見此刻前人未著錄予搜剔得之古泉

山館金石文編

省府志脫仍字據石補之行首二字爲碑樓橫板  
所掩不得拓末行題字無存溪再二字亦復模鑿  
仍據志載補入案劉珙嘗兩知潭州俱在浯熙以  
前通志列此刻於浯熙之末姑從之

浯溪二篆字

高九尺六寸廣四尺五寸二字篆書字長徑四尺三寸許左右各一行行字不

一字徑二寸五分正書

浯溪

慶元己未重陽永州通判徐大節篆

此行在左

祁陽縣令

下泐此  
行在右

右浯溪二篆字前人未見與澹崑二篆字同日書

趙彥櫚題名

嘉泰四年九月二十日  
革編已載

焯夫

焯誤  
作焯

趙彥櫚題名正書七行在浯溪磨崖碑右頗有晉人

風骨攷宋史宗室傳彥櫚字文長焯王七世孫登乾

道二年進士第尉樂清又官福建路運幹慶元初知

晉陵縣多善政擢登聞檢院時韓侂冑當國朝士悉



趨其門彥櫛切歎惋出知汀州遷湖廣總領佐胄死  
詔爲戶部侍郎兼密院檢詳遷湖廣總領又知平江  
府昆山縣並奏分置嘉定縣轉實謨閣待制卒於官  
年七十一此正由汀州遷廣西提刑時道經浯溪所  
題也朱子大全集有與趙子欽彥櫛書子欽蓋其號  
也浯溪新志櫛誤作繡脫頌字客字退誤作返焯誤  
作焯

古泉山館  
金石文編

案右行書古拙有魏晉閒意而用筆偏銳仍是初唐

法嗣

金石  
審

案史彥櫛知永豐訓之之孫惠州防禦使叔侯之

曾孫也炬夫焯夫傳不詳其名縣志誤與溪志同

王□達詩

高一尺一寸廣一尺詩五行行十一字十二字不等款二行行字不一字徑七分許

正書

□□游宦過湘山道阻□□十里間奎畫自今容拂拭

蒼崖從昔要躋攀掃除妖孽□□錄勲庸信□□

自嘆此生那復□是行應得□□□

開禧改元乙丑仲冬十有三日濡頰王□達□□

右王□達詩在磨厓右王世延題名之下前人未

見近始按剔得之案浯溪有嘉定年濡頰王枏題

名初疑是詩即枏所作細審之王下弟二字是達

則非枅也枅字仲方見淡皐題名然志載職官並無王□達其人者

趙不惠中興頌

高一丈一尺二寸廣一丈六尺二寸卅七行行廿八字字徑三寸題記三

行行三十五字字徑一寸二分俱正書

宋中興頌

左□□□□□□□□□□判官兼□舉學事臣趙不惠

撰

上低二格

左□□□□□□□□□□判官兼提舉學事臣趙公

碩書

上低二格

□憲天體道太上皇帝以聖神文武之資受天眷

命光啓□興□□□三紀思欲頤神冲粹與□□

□□□□乃

睿

唐去五字

宸衷親以洪

圖授之

主器今

皇帝懇辭切至

唐三

回欽奉

慈謀嗣承

慶祚

聖繼

聖

明繼

唐三

以事

親厲精以爲治凡施仁發政皆得

於問安侍膳之餘

唐三

□□遜□□□□□天

自唐虞以來未有盛於

今日雖

唐三

□□國史

□之與典謨並行然歌頌

唐三

于金石爲千萬世不朽之傳亦臣子歸美報

唐三字

詎敢以固陋辭臣謹拜手稽首而獻頌曰

唐五字

我

聖朝是生

允堯溥博如天淵泉如淵

帝

德罔愆炎

唐五字

歸惟

帝是依

應龍之于彼睢

陽赤伏呈祥

天命

唐五字

興大明昭升羣盜訖平六

合塵清復振

天聲不戰屈人

唐五字

視同仁

天德好

生善勝不爭措刑寢兵惟民是憂和好乃修撫之以

柔

龜鼎既安歸然石磐萬國重日奉

慈盡孝盡倫

四海儀刑

宗廟薦羞蔽事

以

帝

藉躬耕百穀用成以供

唐十三字

土雲從於論鼓鍾

於樂辟靡尙

磨十  
三字

□□□贊煌煌雲漢爲章細書六經

刻

磨十  
三字

□□□詩與書用損持盈□刑薄征

磨十  
三字

□□□言如□容□以寬 帝王所

磨十  
六字

□□□□□□

□功成□居廼命

磨十  
六字

□紀□□□□□克臧

磨六  
十字

英□□孝仁□其□□□□

磨十  
六字

朕心□□

儲皇□□□□

磨十  
六字

□縉紳□□

洪圖大賚寰區

磨六  
十字

□□□□□輝光益新至矣

磨十  
六字

□□□□□

□興儉德同符

磨十  
六字

□具□□□□靡遑若時登庸稷

契夔

龍  
磨十  
五字

同□耀名卿賜對□英蕃宣列城親

磨十  
五字

□□甲先庚信若權衡綜核勸懲

磨十  
五字

□□如 今親

規□揖遜都俞

唐十五字

上皇聖謨洋洋於□有

唐五十字

子忠告厥成功頌聲形容不□

唐十三字

山□星爭

□可磨可刊以鐫于碑與天

唐十五字

年夏四月刻

□少帥宣簡崇公通守零陵時倣次山體所作之

頌也以未上□□□命□留刻□□□□至□始能

入石後四十三年□□□官□□□久之僅鐫置次山

□□□□□□□□□□□□成先志□

嘉定二年□十月□日嗣孫迪功郎□州

下缺

右趙不意中興頌在山谷詩左前人未搜及碑共

九百餘言爲明人磨去三百廿餘字蝕損者又百

世字存四百五十餘字紀元已泐標題下有題記  
三行爲嘉定二年十月所刊當即据以次之不意  
字仁仲嗣濮王宗暉曾孫史傳作不意史之誤也  
不意署銜存判官兼□舉學事當是轉運判官史  
稱其爲永州通判不言湖南運判或史之漏也不  
意作頌未即上於朝或刻石時已爲夔州運判也  
題記稱少師宣簡崇公其贈崇國公傳表皆有之  
其謚宣簡則見於表而傳無之少師當亦贈官傳  
但言開府儀同三司耳書者趙公碩書法魯公宗  
室表有兩公碩一贈正奉大夫係廣陵郡王德雍



五世孫贈大中大夫宗之之子一朝請大夫係江  
國公德欽五世孫贈武經大夫貌之之子書此頌  
者或即朝請邪題記者不憚之孫不憚有孫十六  
此不知何人疑是汝謚湖南通誌職官列汝謚於  
理宗朝不憚爲高宗時人汝謚爲不憚弟二孫其  
時次不甚符合疑通志有誤然名已闕泐無可確  
證所謂後四十三年者或爲作頌之後或爲入石  
之後亦未可定矣惟浚儀趙某詩重見磨崖有□  
□林伯成詩歸美從來臣子事誰歌宋德乃心同  
曾煥詩還鐫我宋中興碑鍾興嗣詩盍觀我宋朝

崖上中興碑李祐孫詩兩刻中興大業碑皆在嘉定二年以後則嘉定二年當即刻石之年也前此四十三年爲乾道丙戌頌作於不惠判永之時在紹興廿七八年至乾道初乃上於朝至嘉定初乃鑄於石四月爲初刻之時十月爲工竣題記之時也曩讀趙林曾鍾李諸詩知宋亦有中興頌碑輒以未見爲疑甲戌秋拓得此嘉定二年題記三行有敘次山體所作之頌一語因函達仲維屬再搜拓至季冬果獲見寄爲之暢然往來浯溪者不知凡幾剔抉古刻者又不知凡幾而如斯巨幅絕無

人知只以紀元闕泐忽略過之羅致之艱潛心者寡也乙亥春錄竟因併識諸

趙善謚詩

高一尺二寸五分廣三尺四寸前序六行行十二三字不等字經五分餘詩九行行七字字經一寸五分許後跋十四行行十六字字經四分均正書

善謚假守二年首尾困於供億寇穴既清 諸臺撫微勞 剡上而善謚以多病丐歸矣舟次浯溪扶疾周覽風物因留四韻以識重遊非敢言詩也嘉定辛未莫春五日後都趙善謚安之

兩載真成漫浪遊豐碑重拂倍含羞空憐民力疲芻粟  
濫厠時賢動

冤旒病骨詎堪勝重寄歸舟喜不負清流家山屈指朝

朝□□老休勞念□□

石□□襖後一日歸舟同石□□□□詩以授希間

石□□□□□□□□清流之語□□

石□□也□□□□□□□□空公之遺□□出□可不刻

諸崖石以慰邦人之思惜也堅珉未磨而空公已□

玉樓於天上矣雖然其可已虜昔羊叔子與石□慨

歎先達多湮沒無聞□石猶應登此湛輩亦謂□之

石□卒使異時見峴碑□石敏敢於空公亦□石□

既望族姪孫漕貢進士永石希間百拜敬書

趙善謚涪溪詩正書嘉定四年在祁陽縣

寰宇訪碑錄

案謚訪碑錄作謚攷零陵縣志景定甲子教授吳之道永州修城記嘉定間趙侯善謚始增修裏城云云似即此題詩之人而作謚又攷宋史宗室世系表善謚乃贈朝奉郎不佞子善謚武節郎不迥子係兩人皆鎮王元偓後此必官零陵令之人而贈其父爲朝奉者當作善謚今改正

湖南通志

右趙善謚詩當時未即上石至其族姪孫希閭始跋而刻之而跋內年月適在石泐處仍以作詩年月係之辛未爲嘉定四年謚訪碑錄作謚瞿木老

輯通志改作謚永志因之今得石本乃作謚其以  
安之爲字則謚字當不誤然石刻實作謚也通志  
職官不載趙善謚名永志職官表列趙謚名云舊  
作趙善謚恐傳異考浯溪嘉定辛未題名有假守  
趙善謚或又一人也宗氏既知此刻之作謚不據  
以改舊官志謚字之誤復合趙善謚趙謚爲一人  
且於金石內仍作趙善謚彼此歧異亦疏舛之甚  
矣跋內矣無二字石雖已泐尙有一二筆蹤可以  
補入又文云困於供億寇穴既清攷宋史嘉定元  
年柳州黑風洞寇羅世傳作亂招降之二年黑風

洞寇李元礪復作亂連破諸縣詔遣荆鄂江池四  
州軍討之三年二月以湖南運判曹彥約知潭州  
督捕峒寇六月池州副統許俊江州副統劉元鼎  
與元礪戰皆不利曹彥約亦爲所敗賊勢愈熾十  
二月羅世傳縛元礪以降峒寇悉平四年二月乙  
卯元礪伏誅王戊賞平峒寇功碑所云蓋即此事  
嶺表撫刑題名高一尺二寸六分廣一尺二寸四分  
五行行八字字徑一寸三四分正書  
予授撫刑嶺表假道浯溪與從姪祁陽尉包□偕  
遊于此

嘉定四年四月初□□□□議之

右刻人名已泐祁陽尉包□志亦不載莫可攷矣  
年號上一字半蝕而其爲嘉字無疑下一字尙存  
上半山字此刻通志永志均未載

浚儀趙某詩高一尺二寸廣二尺一寸詩七行行九  
字跋七行行八九字字徑一寸許正書

元頌顏書□□□好風吹我過三吾倚空□□煙雲□

□古興亡草木枯讀盡□□留□□□□□較鎗銖

空下

□□□□□重見磨崖有□□

嘉定四□□月七日浚儀趙□□□□□□□□

□□□□□通□□□媿□□□□□□□以□興□





八瓊室金石補正卷九十二

男 繼輝校錄

太倉陸增祥撰

吳興劉承幹覆校

宋十一

涪溪題刻三十九段

崇椿張

詞高三尺一寸廣三尺二寸十一行  
行字不一字徑一寸三四分行書

英聲初發記合選齊驅祖鞭先著風月平分尊疊談舊  
各已蒼顏白髮屈指待拚一醉祝生申嵩嶽怎知道爲  
清湘□潤暫移賢傑 休說予心渴里巷爭先擬持杯  
階闥畢竟人間賞心樂事種、盡歸綠法拈取瑞香一

辦藝向湘山名利無量壽和一身見在兩尊菩薩同  
舍威餘庾賦喜遷駕爲賤生壽生申之日適□事□□  
用調和韻以謝先施斷不可移之他人越明年椿□沙  
堤之上話□又馳□嘉定甲戌夏五月崇椿張□□□  
訪碑錄有張□□題浯溪詩行書嘉定七年當即  
此刻惟誤詞爲詩耳詞後題語有越明年椿云云  
椿似是其人之名末云崇椿張□之□又似其人  
之字不能明矣威餘庾疑即臧辛伯

臧辛伯詩

高一尺二寸七分廣一尺五寸五分  
六行行六字字徑一寸四五分正書

四山凝碧一江橫讀盡唐碑萬感生却想老僊明月夜

度香檟下聽溪聲下吳興臧辛伯

行書六行不紀時代前人未之見也金石審

通志職官甯宗朝臧辛伯通判永州不詳其貫得

此刻知為吳興人也澹岩有辛伯殘詩刻系嘉定

甲戌甲戌為嘉定七年此刻當在其時

趙崇憲題名高二尺二寸廣一尺六寸七分四行行五字字徑三寸許正書

趙崇憲洪友成同遊嘉定乙亥廿四日

趙崇尹題名高一尺五寸五分廣一尺四寸四行行五六字徑一字徑二寸許正書偶涉行

體

弟崇尹同姪必益必矩鄉人曹全呂舟行越三日繼至

涪溪有趙崇憲崇尹崇模崇寬四題名皆在摩崖之  
左厓凹間以次續題自南而西北第一趙崇憲四行  
次崇尹四行次崇模四行次崇寬五行皆正書字大  
小不齊攷宋史宗室世系表崇憲崇尹俱漢王元佐  
之後贈太師申國公不求之曾孫善應之孫必益乃  
崇憲之子必柄必爽皆崇尹弟崇夏之子必樞乃崇  
尹同八世祖崇瀚之子也崇瀚兄崇澤之子有必乘  
即必矩也崇模不見於表而以必珂係於崇憲弟崇  
夏之兄崇樸下非崇樸乃崇模之誤即必珂上脫去  
崇模二字崇寬名亦不見於表恐皆表之脫誤也據

此可以正之表有兩崇憲皆係漢王之後以前後四  
題名證之此崇憲當是汝愚之子崇尹乃汝愚弟汝  
拙長子也悟溪又有趙必愿題名必愿亦汝愚之孫  
崇憲之長子也史有傳崇憲史附其父汝愚傳字含  
章淳熙八年對策第一越三年復以進士對策擢甲  
科初仕爲保義郎監饒州贍軍酒庫換從事郎撫州  
軍事推官汝愚帥蜀辟書寫機宜文字改江西轉運  
司幹辦公事監西京中岳廟汝愚旣貶死海內憤鬱  
崇憲閩門自處居數年復汝愚故官職多勸以仕改  
奉議郎知南昌縣事荒政所活甚多升籍田令以父

冤未白上疏力辭俄改監行在都進奏院復引陳瓘  
論司馬光呂公著復官事申言之乞以所陳下三省  
集議辨其父之讒謗顯其父之功德乞下史官改正  
誣史又請正趙師召妄貢封章之罪究蔡璉與大臣  
爲仇之姦毀龔頤正續稽古錄之妄詔兩省史官考  
訂以聞復以誣史未正進言復玉牒所卒重修龍飛  
事實未幾贈汝愚太師封沂國公擢崇憲軍器監丞  
改太府監丞遷秘書郎尋爲著作佐郎兼權考功郎  
又因閔雨求言上封事請外知江州疏劄江州民知  
糴又以瑞昌民負茶引錢請以新券一償舊券以紓

民困受賜者千餘家刻石以紀其事修陂塘以廣溉  
灌數千所提舉江西常平兼權隆興府及帥漕司事  
遷轉運判官仍兼帥事修復汝愚捐創養濟院更復  
社倉以兵部郎中召尋改司封皆固辭遂直祕閣知  
靜江府廣西經略安撫靜江屬邑之賦再加蠲減縣  
民立祠刻石劾瓊守激黎峒之變民何嚮父子導峒  
蠻爲寇繫置之法嚴民夷交通之禁又條上復扞防  
溪峒之議朝廷頗采用之天性篤孝居父喪月餘始  
食小祥始茹果實終喪不飲酒食肉比御猶弗入者  
久之此題名蓋崇憲知靜江府經略廣西時道經浯



溪所題也又廣西臨桂有新潭州善化縣主簿張茂  
良廣西經略顯謨趙公德政頌碑云紹定四年秋有  
詔帥廣西趙公進直顯謨閻易鎮寶婺桂人德公之  
久結戀不釋又云公丞相忠定之三子名崇模模字  
履規粵西文載謂崇憲弟崇模亦知靜江有美聲蓋  
後崇憲二十六年今據題名則崇模知靜江府乃寶  
慶二年在崇憲十二年之後又五年而易鎮婺州去  
任也文載作二十六年誤此四刻前人皆未見粵西  
金石略載有嘉定而于曾全洪友成趙必益必矩題  
名以此刻證之曾全恐是曹全之譌

古泉山館  
金石文編

案興甯有趙崇尹書天下奇觀四字鐫山麓石上  
郴州志云嘉定七年任興甯令而通志職官甯宗  
朝載趙崇尹爲永興令二者不同未審孰是

管湛題名

高一尺二寸廣二尺六寸六  
行行三字字徑三寸許正書

管湛守桂台還乙亥五月十日摩挲石刻而去

右管湛題名在石門小石西北前人未見題名有  
干支而無年號案管湛字定夫括蒼人廣西臨桂  
隱山棲霞洞白龍洞中隱山劉仙岩均有其題名  
嘉定辛未七月稱憲臺壬申初伏稱計使癸酉九  
月稱經略安撫是由刑司轉漕司而帥桂也此云

守桂召還蓋卽其人乙亥乃嘉定八年也

劉用行詩

高四尺七寸廣三尺二寸八分詩五行行十二字款二行行七字字徑四寸許正書

祿兒豈解傾唐祚獨使斯文壽兩翁蜀道至今遺舊話  
湘流澈底照孤忠摧風溜雨中興字轉地回天尅復功  
人說蒼崖磨向盡不知磨盡幾英雄

嘉定乙亥臘月清源劉用行聖與題

右劉用行正書七行在磨崖左崖上趙崇憲題名後  
深浸土中發掘洗拓僅得其上截此刻前人未見案  
劉用行撰有紹定五年茶陵築城記中云予以屬郡  
丞詣潭白事則用行恐官永州丞者

古泉山館  
金石文編

通志永志每行各缺五字據石補之乙亥爲嘉定

八年

林伯成詩

高一尺五寸五分廣二尺八寸十二行行七字字徑一寸七八分正書

讀時方喜能戡亂責備猶疑過頌功歸美從來臣子事

誰歌

下空

宋德乃心同

嘉定丙子孟秋日長樂林伯成知萬壩子元鼎元泰同

張器之□叔郡貢士唐□□卿子暉□□□賦此以

識歲月

右林伯成詩正書十二行在摩厓石壁前人未見朝

野雜記載丙寅淮漢蜀口用兵事目中有盱眙守臣  
施宿正旦副使林伯成皆言北方事云云乃在開禧  
四年正月後疑卽此題詩之林伯成也

古泉山館  
金石文編

通志缺讀戡亂三字永志補之諦視拓本不誤也  
器之下永志作令審之殊不相似仍從其闕暉志  
均作輝誤丙子爲嘉定九年通志職官林伯成知  
桂陽軍系於度宗朝恐誤

易祓詩

高五尺廣二尺六寸五分十行行廿  
字字徑一寸五六分正書款行書

湘江東西直潯溪上有十丈中興碑誰鑿豐碑鎮山曲

溪邊美人美如玉想

當

歌頌大業

時胸蟠

星斗光陸離

蠶須蠶尾更清勁凜凜襟

懷冰雪瑩水

部之文魯公書

兩翁寥寥千載餘後

來

更有黃太史健筆題詩起翁死

一派溪流徹底清溪邊鏡石

堅

而明我思古人不可見

水石

猶

作瓊瑰

聲

趨來名

山訪遺蹟煙雨淒迷山路濕

野叟蒙頭

看打

碑

君其

問諸水邊石

長沙易祓還自清湘道出浯溪□舟崖下懷古興思

輒綴數語以識我山邱□願長沙賀廷彥始安歐陽

誠同□男□侍行嘉定九年七月旦書

宋長沙易□遊浯溪詩行書嘉定九年七月在祁陽

縣

寰宇訪  
碑錄

右易祓詩在摩厓右凹下近始從沙土中掘出瞿宗兩家均未之見也訪碑錄缺其名審之是祓字易祓通志有傳字彥章甯鄉人淳熙十一年上舍釋褐爲翰林學士歷禮部尙書封甯鄉縣男退閒三十年號山齋居士著述自娛樂雷發謁山齋詩云淳熙人物到嘉熙聽說山齋亦白髭細嚼梅花讀總義祇應姬老是相知又楚寶增輯云易祓字彥祥一字彥偉初仕文林郎昭慶軍節度使掌書記累官至禮部尙書兼翰林院直學士以時論不合謫融州移全州得旨自便尋復原官轉朝議大

夫賜紫金魚袋封甯鄉縣開國男食邑三百戶著  
書甚多周易總義見宋史藝文志周易辨疑見一  
統志易學舉隅禹貢疆里廣記見朱竹垞經義考  
今廣西諸岩多有其題刻此云還自清湘蓋自全  
回家得旨自便時也縣志載此詩寥寥作寥寂竭  
來名山誤作偶來真仙其餘曼患之字據以補之  
易祓和許玠詩

高三尺一寸廣二尺七行行十  
九字字徑一寸四五分正書

讀唐中興頌

長沙易祓彥祥

唐家基業重於山甯許胡雛據九開當日人心旋  
興時世變却循環壤分旄鉞誰能制政出貂璫不復還



千古高崖鎖蒼蘚空留遺蹟蹈元顏

嘗謂祿山騁兵不豈以既唐而唐祚中微正在祿山  
既平之後覆車不戒禍變相仍可勝歎哉因次襄邑  
許玠介之韻嘉定丙子七月三日

右易祓和許玠詩前人未見祓自稱其字曰彥祥  
疑志作彥章者誤然志引魏了翁云彥章周禮足  
補傳記所未及則似又字彥章矣

林訪詩高一尺七寸五分廣一尺七寸  
前後共十四行行字不一行書

訪嘉定丁丑仲夏秩滿零陵郡決曹理棹東歸過  
溪觀中興頌周覽古今碑刻輒嘆□□之勲業元顏

之文筆歷年雖久久□□□□□黃太史以來□□

□者非止

此後二行全泐

□□林□□□

靈武儲皇識事端解將權術濟艱難當時若徇區又節

宗社何由獲再安

文士相輕自古然堪嗟嘲詠費雕鐫元顏文華非餘子  
未可毛疵議昔賢

子慶孺姪起子二孫顯永侍

右林訪詩在摩厓右案永志職官表林訪以嘉定  
九年任參軍此刻首云訪嘉定丁丑仲夏秩滿零

陵郡決曹弟七行見一林字其爲林訪無疑而通志職官失載其名宜據補之林訪嘗爲陰德堂銘宗氏以堂爲法曹廳事與此言決曹者亦合輒嘆下似是汾陽二字姑闕之此刻前人未見亦近時搜出者

畱筠詩

高四尺六寸五分廣二尺三寸詩四行行十四字款二行行九字字徑三寸餘行書另刻

石一行小字

天生一代老文詞畱得高名日月垂山□猶餘元氏族  
溪痕幾□魯公碑未論再造中興業却羨三吾高卧時  
崖石雖磨千古在渡香橋下水空悲

清源畱筠嘉定丁丑臈前行部來游

住持傳法僧法祖謹刻崖石

右畱筠詩行書七行在摩厓左厓上前人未見攷畱  
筠係孝宗朝參政畱忠宣正之次子也廣東南海蘇  
文忠浴日亭詩乃其所刻跋云嘉定辛巳則在此刻  
後四年矣後澹山巖詩自署其字曰端父與浴日亭  
詩跋同此與澹山巖二刻俱云行部來游則筠必持  
節官荆南者而舊志俱無其名修志不搜金石知缺  
漏者多矣浴日亭詩跋中云舊得此真蹟於湘中蓋  
正指此題名時言之彼此可以互證筠書法端秀似

學顏清臣者

古泉山館  
金石文編

案通志仍未補留筠名職官志不出木老手也

留筠再題詩

高二尺九寸廣二尺八寸七行行字不  
一字徑二三寸不等行書另刻石人名

一行  
小字

爲愛浯溪風景幽重臨釣石繫歸舟不妨細讀豐碑下  
墨本空看幾白頭自咲塵埃賦口忙佳山招我莫徇  
徕何當了却癡兒事來伴高人枕碧湘

筠舟還浯溪再留二絕

住持傳法僧法祖謹刻崖石

此行小  
字正書

右留筠再題浯溪詩草書七行即在前題之後北面

前人亦未見

古泉山館金石文編

方信孺題名

高不計廣四尺九寸七行行一二三字不等字徑六寸許正書

莆田方信孺紹熙癸丑嘉定丁丑三訪浯溪

右方信孺題名七行每行一二三字不等正書大徑六寸許卧刻於石溪石門右北小石上面向上半浸土中予發土搜剔出之三上一字石已損闕攷宋史傳云方信孺字孚若興化軍人少有雋才爲周必大楊萬里所賞以父蔭補番禺縣尉後爲朝臣所薦假朝奉郎樞密院檢詳文字充樞密院參謀官持督師書通使於金往返三次俱以正辭折敵還朝以金人

欲得太師頭語搜韓侂胄怒奪三秩臨江軍居住後  
王柟使金和議成歸奏言皆信孺備嘗險阻再三將  
命之功金人見柟必問信孺安在乃詔信孺自便尋  
知韶州累遷淮東轉運判官兼提刑知真州山東初  
內附信孺言宜選威望重臣將精兵數萬開幕山東  
以主制客坐責降三秩再奉祠稍復官信孺性豪邁  
輕財好客使金時年甫三十其尉番禺有捕盜功知  
真州即山築隄後金人至決水退敵城乃獲全既去  
官歸營巖室放於詩酒而浸案今廣西臨桂巖洞多  
信孺題刻乃自嘉定六年三月訖八年八月官廣西

提點刑獄兼轉運判官時也據吳獵撰信孺父故廣  
西轉運判官方崧卿祠堂記崧卿於紹熙壬子四月  
至桂林此題名云紹熙癸丑者蓋信孺於壬子次年  
赴父任時經浯溪也攷甯宗戊辰年改元嘉定終於  
十七年甲申其十年當爲丁丑粵西金石略謂嘉定  
九年十二月尙爲本路運判則此丁下所缺一字必  
是丑字蓋信孺於十年去廣西任復經浯溪而又兩  
游其地故云三訪耳此刻前人未著錄

古泉山館  
金石文編

右刻在柳公臺之下丁下丑字尙可辨識瞿氏之  
言爲足徵信也惟云復經浯溪而又兩游其地恐



未必然其再訪浯溪或在由韶至道之時歟

王杓題名

高一尺二寸五分廣一尺二寸五行行七字字徑一寸五分許正書

瀟須王杓通守零陵治檄慮囚歸途經此留連一夕而去時嘉定戊寅十二月望

案右刻在小嵒臺北見浯溪新志但有紀元月而無

年歲恐有脫誤

湖南通志

右王杓題名在石門西北小石上省府志脫歸涂

戊寅四字又留作流未見拓本治溪志之誤也縣志亦然王杓亦有淡崑題名彼刻自稱其字曰仲方永志據以補入官表通志失載其名戊寅爲嘉

定十一年

呂銓題名

高二尺二寸六分廣二尺七行行八九字不等字徑二寸許行書

嘉定己卯閏三月甲子汲郡呂銓平叔之官零陵艤舟  
活溪得□訪古遍□清勝是日□□□□文譽德父唐  
汝熊子□□□子淮壻□侍

右呂銓題名在小嶧臺東南前人未見文云之官  
零陵而省府志職官均無其名不知所任何職也

許綸等題

高二尺廣二尺九寸六分十二行行七字字徑一寸五分正書

豫章許綸行之嘉定庚辰長至日拉金陵李植直夫廣  
陵王瀛彥行清江張天錫應祥錢塘夏諺華之巴陵鄭

導□叔古桂頃文子□卿艤舟于磨崖之下步自嵒臺  
至于中堂登鏡溪□□□□□□□□□□□□

右許綸等題名在石門東南前人未見許字僅存  
午旁澹巖有前守春陵許綸題名係紹定三年所  
刻永志職官表許綸任道州在寶慶三年通志亦  
列於理宗朝此題名之許綸非卽其人彼刻自署  
云永嘉此云豫章亦不合也又通志職官甯宗朝  
有興甯令王瀛不詳其貫未審卽此廣陵之王瀛  
否

曾煥詩高一尺二寸廣二尺  
七行行字不一行書

元頌顏書山谷詩還鐫我宋中興碑慙慙三讀重回首  
萬□□□江渺瀰廬陵曾煥將漕廣西名還過此嘉定  
庚辰四月二十三日

右曾煥題名行書七行在磨厓石壁案廣西臨桂嘉定丁丑題名煥字少卿乃在此前二年此云將漕廣西召還則此次似未經到粵西矣丁丑題名時未知煥為粵西何官也此刻前人未見

古泉山館金石文編

趙某殘詞

高一尺四寸廣二尺存十一行行八字行書

□□□□皆□□□流垂□斷崖依舊橫碧□□獨有

千古文章鐫錫炳耀不與名□□□□□□□□□□

□□盡□□遠□□□□□□□□不□□拳石舉杯相

属坐還有此客

嘉定庚辰夏五月□□日趙□□□□書

右行書十行半磨滅金石審

右趙某殘詞刻通志未載永志有關譌據石正之前為鄔某磨去改刻其詩五六七行之上截及末一行又為俗子屏刻不能全讀矣趙下似崇字

鍾興嗣詩高三尺五寸廣一尺九寸五分序五行行四十字字徑五分詩十行行三十字字徑

寸許  
正書

翫暫寓浯溪得觀古今碑刻往往議論互相矛

盾其端皆由黃太史之詩而起曾不知黃太史  
特以石泐二字之法責備肅宗初不議次山之失且  
云臣結春秋二三策臣甫杜鵑再拜詩安知忠  
臣痛至骨世上但賞瓊琚詞則是不譏元子之  
頌明矣吁至美不贖惡大醕不掩疵其唐宗之  
謂歟曾未若我

宋南渡 二帝聖德粹然無瑕可指千萬世而  
下又孰得容喙耶予推明山谷不責元子之意  
因降嘆

光堯 孝宗聖明相繼之盛云時嘉定庚辰秋

孟朔旦章貢鍾黼序

羯奴禍唐室宗社已傾危翠華幸西蜀大物孰主持儲  
君起靈武事亦從權宜人望既有屬姦孽就誅夷次山  
憂國効聞此喜可知歸美頌君父隱惡義當爲涪翁仗  
正論凜然寓刺規指擿心中過併及宮闈微茲用春秋  
法肅宗其何詞曾無一半語追咎元子非後來好事輩  
往往互詆譏或立黨同意或費解嘲詩識者具眼力理  
解夫奚疑盍觀我

宋朝崖上中興碑

光堯再造績炳若日星垂功成

體天道退處志莫移神器親付授

嗣皇猶懇辭數

四不獲命黽勉祇受之飭躬備敬養朝夕益孳孳君不見帝典書之盛端由揖遜基 二聖盡慈孝堯舜並驅馳俯視於李唐德業有醕疵惟餘尅復願天每靳其機 孫支繼述責未有易今時出兵弔遺黎孰不迎王師免使讀頌者懷憤徒傷悲

右刻序五行詩十行皆正書據詩似宋亦有中興碑者抑卽作者自以此詩當之耶此刻前人未見近亦罕有拓者續辰於十二年前過崖下得之

金石  
審

首行末石泐處宗氏作春秋二字其唐宗宗上多一肅字皆以意增補石刻所無也碑左下角有庚



千年廖應瑞題名

徐自明詩

高一尺三寸廣三尺二寸五分十三行行五字六字字徑二寸許正書

□□□□□□□□

奇金石輝輝萬古垂論定固知名貴正

時危更識禮從宜溪山不老刊長在天地重開繼者誰  
多少艤舟咸有紀況予畢戍可無詩

嘉定庚辰中秋後四日郡守永嘉徐自明書

右徐自明詩正書十三行在磨厓石壁首行已爲後  
人題刻磨去前人未見攷自明字誠甫撰有宰輔編

年錄

古泉山館金石文編

徐自明知永州通志職官列理宗朝殊誤

董鴻道詩

高一尺九寸五分廣二尺八寸五分十  
四行行八字字徑一寸五分許正書

臨川董鴻道叔宏省

親零陵偕友人王靖夫東歸

夜泊浯溪叔雲弟挈舟來餞時嘉定庚辰臘月五日

艤舟和月上唐亭風露淒寒酒易醒誰爲漫郎寫幽思

度香橋下水泠泠

二十年前八桂回摩挲蒼蘚讀碑來如今再自浯溪過  
折得梅花伴酒杯

董鴻道浯溪詩正書嘉定十三年十二月在祁陽縣

寰宇訪  
碑錄

瞿氏未見此刻故疑訪碑錄所載即火星巖題刻之誤宗氏亦未見此度香橋在縣南浯溪寺前見通志

臨汾張某題名

高一尺二寸廣八尺五寸四行  
行六字字徑一寸五分許正書

臨汾張□□□

正汾檄□□□

時嘉定辛巳仲春二十

四日

右臨汾張某題名在石門西北王枏題名之右前人未有箸錄此刻之前有綸喪亡三字字徑二寸許是詩尾也疑即張某所題

張潞詩

高一尺一寸廣二尺十三  
行七字字徑一寸許行書

高棱巨壁立□蒼中直浯溪帶樣長黃屋朝臨蜀萬里  
翠珉暮刻楚三湘兩朝功罪乾坤定二子文書日月光  
太息斯盟誰復主代興今者得黃張  
嘉定辛巳四月丙戌桂林郡丞盧陵張潞之官經游  
讀碑感慨爲賦七言

右張潞詩行書十三行在磨崖壁上前人未見古泉山館

金石文編

丙廬二字已泐據志載補辛巳嘉定十四年也末  
句云代興今者得黃張黃乃山谷張則文潛漁隱  
叢話云惟魯直文潛二詩傑句偉論殆爲絕唱而

文潛詩僅存明刻矣

趙崇模題名

高二尺廣一尺三寸三分五行行字不一字徑一寸七八分行書

後十二年寶慶丙戌九月二十五日崇模被命守桂

寶繼先兄吏部前躅道由浯溪敬詹題墨爲之泣然男

必珂侍萬渙之陳定孫萬時偕行

通志職官甯宗朝有趙崇模爲安化令名宦志云

番禺人豈別一崇模邪

趙必愿題名

寶慶三年四月三日  
萃編已載

洪大成

缺大字

案崇憲題名見前乃嘉定乙亥四月故云整整一紀

洪下缺一字据前嘉定題名當是友古泉山館金石文編

以拓本審之洪下似是大字縣志亦作大

趙崇夏題名高二尺廣一尺一寸六分五行行字不一行書

寶慶丁亥十一月二十一日弟崇夏以邑令之鎮津避

兄經略親挈家還鄉□經浯溪裴回半日得□□□

□□□必□必柄必爽必□□□□□□□道隆郭從

朴

右趙崇夏題名省府志誤作崇寬餘亦多所闕謬據石校正之必柄上志作樞審之殊不相似鐸津今藤縣地避兄經略者即前題名之趙崇模也此

拓疑尙未全

王音殘刻

高一尺四寸八分廣二尺八寸前四行行存五字字徑寸許後六行行存四字五字

徑二寸五  
六分正書

天寶六載元

□出而爲□

□□殆有光

古體絕

定庚

以上前  
四行

古有勞邱

儉不能□

格□□初

□詞□□□

能知我今掩

王音  
作此

右王音殘刻在小嶧臺東南前人未有箸錄原籤

題云紹定閒王音作審之紹定二字在前四行末

似是詩序王音二字在最後一行刻於右偏似即

在詩句中者殘缺或已磨云或未拓全均意中事  
能下似學字格下似豈字紹定下僅見庚字是紹  
定三年庚寅也

李伯堅題名

高二尺九寸廣二尺三寸八行  
行十字字徑二寸五分正書

紹定辛卯七月既望東□東伯堅蒙恩東歸郡邑官

士餞於唐亭者張之才裴朱王制藩立功周浹唐桂□

□卿□三

學

趙師楸王執中唐鴻唐大德唐夔何浩然

唐模宋棋趙孟湜宋中興王垚男宏遠侍行

右李伯堅題名正書八行在磨厓壁閒前人未見攷

宋史宗室世系表趙師楸係趙伯遄子趙孟湜係趙



與偕子皆燕王德昭

原誤之後 古泉山館  
作助 金石文編

右刻在狄青題名之右蔽於沙土者已久甲戌秋  
始復搜出之才省府志均誤作來省志未審出制  
學二字府志亦未審出桂字東下作浙桂下作任  
任下云似岳字皆不甚似唐桂零陵人寶慶二年  
王會龍榜進士宋淇祁陽人寶祐元年姚勉榜進  
士官駕部郎遷少卿王堇亦祁陽人景定三年方  
山京一作密榜進士均見選舉志王執中東嘉人嘗  
官澧州教授見職官志志有武岡軍教授王之制  
與之同時疑卽此王制之誤

衛樵詩

紹定六年元日  
萃編已載

當世

當誤  
作萬

右衛樵詩正書十一行後二行微小在磨厓碑左厓  
上衛樵乃我吳崑山衛太師文節公名涇之子宋凌  
萬頃玉峯志元東溪老人楊諤崑山志但言其魁銓  
聞又魁鎖廳終知信州而不及守永州事又零陵志  
載其題澹岩詩自署中吳衛樵山甫山甫蓋其字也  
皆可据以補之文節亦於嘉定中知潭州攷姑蘇志  
傳略云字清叔淳熙十一年進士第一授承事郎添  
差鎮東軍簽判厯官至資政殿學士金紫光祿大夫

致仕進封吳郡開國公寶慶二年卒理宗輟視朝一日特贈太師進封秦國公賜諡文節開禧三年自吏部尙書拜御史中丞時請誅韓侂冑論罷陳自強拜參知政事嘉定初兼太子賓客又患史彌遠有專恣之漸因欲去之彌遠知涇謀諷御史劾罷之五年出知潭州八年改知隆興府先居里中闕西園取范文正公之言名其堂曰後樂後甯宗以其三世同居有堂曰友順御書二大字太子亦爲書後樂堂榜賜之文節歷仕三朝出入內外四十餘年憂國忘家始終一節謀深慮遠不邀近功嘗語人曰官職自有定分

名義千古不磨故其在朝孤立自守不畏強禦薦進  
賢才汲汲如不及若李燔輔廣倪思陳韓皆其人也  
守潭時與朱文公有交誼之情佐胄斥文公及佐胄  
死奏召還朝而文公已卒復移文新安取諸經四書  
傳注刊刻以傳又請爲張南軒賜諡其表章正學之  
功如是自號後樂居士所著文章五十卷曰後樂集  
廖道南楚紀雖載文節知潭州事而云齊人謬矣故  
今爲表而正之

古泉山館  
金石文編

省府志載此誤憾爲減當據石正之此本失拓後  
跋所校勘者前十一行耳縣志載此詩誤作吳衡

樵又當世作當日無可憾作無可議有何評作有  
誰評衡樵尙有淡巖萬石山兩題名未得拓本其  
淡巖詩刻則已錄入矣永志官表衡樵知永州以  
紹定五年任又此本尙是十年前所收近復得此  
拓本則上截已磨去僅存下半四字矣

趙楷詩高二尺廣一尺三寸八行  
行十五字字徑寸許正書

舟□□□讀中興碑

南岳趙楷端父

西風吹岸著渚溪玉潔摩空十丈碑不□開元久培植

可飭靈武善扶持斯文未泯今□□盛德之興彼一時

崖下漫郎應在否□□流涕手題詩

端平丙申秋七月朔題湘中萬宗大宗父僧

德中同游

右趙楷詩正書八行在韋瓘題名後前人未見

古泉山館

金石文編

案端父瞿氏誤審作端文吹岸二字瞿氏缺

金石審

著省府志誤作看岳均作嶽通志缺吹岸二字永  
志補之諦審拓本均祇存形模耳今平二字已泐  
據志錄入首行中上有讀字可辨宗氏亦但審得  
舟字未見讀字也余得此拓本不少而讀字明顯

者僅見其一拓本之不同者如此

施復等題名

高四尺廣二尺一寸五分六行  
行十二字字徑二寸五分正書

端平丙□□□□□施復孫□□隨節□□□以巡

視□□郡事迫期而□及親遊沂□□秋漕試經由薄

暮而不克詳□

逾

月舟還徜徉竟日始得徧觀□重陽

月二日書

右施復等題名在唐亭下東面端平止三年丙下

蓋是申字此刻前人未見

徐大忠題名

高一尺四寸廣二尺四行  
行四字字徑三寸許正書

□山徐大忠以職事來遊丙申四月

右正書四行在摩厓右厓下大書深刻似宋人筆山上所缺必是眉字蓋三蘇之族人也此刻前人未見

古泉山館金石文編

右徐大忠題名志載作蘇大忠以余審之實徐字也山上亦非眉字筆法深穩學魯公是北宋人手筆紀年有干支而無建元姑附於端平三年宋代最後之丙申也

曾宏正詩高一尺三寸五分廣二尺三寸六分十五行行十二字字徑六分正書

開元初政儘精明歲晚色□□北晨胡雛養虎自遺患

馬嵬□襪生戰塵幸我有子繫民志宗祐將傾猶未墜



當時監國若□避大物必歸安與史較輕重法受惡  
父子至情休責備南內淒涼葉落時尙勝公侯少間市  
鏤刻摹寫皆瓌詞□□以頌而以規我來解嘲千載後  
□起九京共評之

題此詩於數百載衆傑作之后可笑不自量然从前  
似未有爲肅宗解嘲者則亦不得以鄙陋辭也淳祐  
二年壬寅季秋十二日臨江曾宏正識

曾宏正題浯溪詩行書十五行在浯溪厓石攷宏正  
乃直龍圖閣諡忠節曾三聘之子三聘宋史有傳又  
廣西臨桂有游侶所撰神道碑係宏正書題銜稱嗣

子朝奉□□祕閣廣南西路轉運判官云云又有宏  
正題隱山詩及水月洞詞皆淳祐二年後有元至正  
間曾孫臨桂縣尹天驥跋云先曾祖自宋提點湖南  
刑獄淳祐癸卯調廣西運使則此淳祐二年壬寅正  
宏正官湖南提刑時逾年而去任也此刻前人未見

古泉山館  
金石文編

右刻如傳晚色胡等十字瞿木夫所缺今皆審出  
間市誤作出關市案說文出古文或以爲艸字讀若  
徹此蓋作艸字用也又必歸誤作一歸以頌誤作一  
頌今並改正之

金石  
審

右刻在摩厓左通志缺儘晚色難遺患生墜史鏤  
刻摹十二字永志補之仍缺刻字而又誤儘爲傳  
誤患爲害通志胡雛之胡誤作明養虎之養誤作  
若安與史之與誤作共養與二字永志亦誤又衆  
傑作之后永志后作後通志不誤也又案史稱曾  
三聘爲新淦人此刻宏正自署臨江新淦屬臨江  
軍也

曹一龍詩

高二尺七寸廣一尺四寸詩四行行十  
字字徑二三寸不一款一行較小行書

行樂乘陰好誰能困墨朱重陽邀數客盡日款三五煙  
絲江山古風清竹木癯漫郎如可作分酒酌茱萸

皆淳祐丙午四明曹一龍書 住山慧圓上石此小字正

右曹一龍詩在嵒臺右路旁前人未見通志職官  
理宗朝有曹一龍知郴州當卽其人江西通志曹  
一龍新建人紹定二年黃朴榜進士此署四明或  
別有一人也

樂炎發題名三行行五字字徑一寸三四分行書

淳午冬瀛溪樂炎發同阿章王應雷來

右樂炎發等題名行書三行在柳明明心記右劉錫  
題名下題云淳午冬想卽前高不傳題名淳八戊之

類也攷宋代以淳紀元者淳化五年甲午淳熙元年  
甲午十三年丙午淳祐六年丙午咸淳六年庚午此  
未知何屬此類文法蓋始於南宋末年此題名非淳  
祐當卽咸淳姑附於此前人未見

古泉山館  
金石文編

右刻行書三行在柳明明心押右脅下宋末題名往  
往簡省年號甲子樂雷發理宗時人炎發必其伯仲  
以此定其爲淳祐丙午也

金石  
審

通志系咸淳庚午蓋淳午之最後者永志系淳祐  
丙午以其爲理宗時人也姑從宗氏

朱天錫題名

三行行字不等  
字徑寸餘正書

戊申孟秋遠迂石壁侍郎石鼓承節郎朱天錫偕來

右刻在柳明明大押記之下右方前人未見案通

志職官理宗朝有朱天錫任藍山令然則此戊申

乃淳祐八年也惟承節郎為武官階不甚符合錄

俟再考

楊瑾題名 高一尺七分廣一尺五寸六行行五字字徑二寸許正書

淳祐戊□□月上澣□□楊瑾被□守藤道由 涪溪

偕婿永 嘉倪夢鞠曾 遊

右楊瑾題名正書六行在摩厓右石上前三行下漫

土中不可見前人未載 古泉山館金石文編

右刻在押字左下方紀年戊字上半可見蓋八年  
戊申也志載由誤作出並補正之語嘉遊三字今  
未之見恐亦爲土所壅矣藤卽今之藤縣宋爲藤  
州感義郡

洎祐殘題名

高二尺三寸廣二尺七寸八行  
行八字字徑二寸五分許正書

□祐已酉秋□□□□稽豐□處□□石雙卽艤舟

□□□讀中興碑盤□□□偕行同里沈□□父陳

策次賈四明□懷虛澄□□□端父□□孫子碩孫

侍

右題名殘刻八行祐上一字已泐宋代景祐皇祐

嘉祐元祐寶祐俱不值已酉前而唐之天祐後而  
金之貞祐元之德祐延祐亦俱不值已酉故可定  
爲淳祐九年也前五行下載三字爲明人刻張耒  
詩磨去餘亦多闕泐題名中名字全見者惟陳策  
一人耳其字端父者疑卽端平丙申題詩之趙楷  
而端上一字却不甚似楷也禧上存下半日字四  
明下似是史字孫上似是暘字姑闕之此刻前人  
未見

林革詞

淳祐九年十月  
革編已載

汲度香橋下流泉書

脫書字



右林華詞行書十行不齊在磨厓石壁前人未見

古泉

山館金石文編

案詞家用韻以董送通養濛者頗少見古樂府則多

有之矣宋中興碑屢見

金石審

右刻在岵臺右路旁通志亦脫書字且誤革爲華而云前人未見疏矣永志亦誤爲華并脫着字跋云自淦入桂蓋赴廣西也王氏以爲荆湖南路之桂陽殆非

八瓊室金石補正卷九十二終